

## **ଯୋହନଙ୍କ ପ୍ରଥମ ପତ୍ର ଜହନ୍ତି ପର୍ତ୍ତୁମ୍ ଆକି ଏ ଜହନ୍ ଆକିନି ପାଦେକ୍**

ପର୍ତ୍ତୁମ୍ ଜହନ୍ ଜିସୁକ୍ରିଷ୍ଟି ଜଲମ୍ ପାଚେ ୫୦ ତା° ୧୦୦ ବିତ୍ରେ ପକ୍ୟାତି ଜହନ୍ତି ହୁଦା° ଲେକା ଆତାନ୍ । ଜହନ୍ ଜାତ୍ ଲେକିକିନାକାନ୍ ବାବ୍ରେ ଜାଣା ହିତନା, ମାତର୍ ପର୍ତ୍ତୁମ୍ ପାଚ୍ତ ହେଝାନ୍ ଜିସୁକ୍ରିଷ୍ଟି ଜିବୁନ୍ ଆରି ଆରେ ନିନାକା ହେଝାନ୍ କାଣ୍କୁନି ସାକି ଇଞ୍ଜି ଜାଣା ହିନାନା ୧:୧-୩ । ପର୍ତ୍ତୁମ୍ ଜହନ୍ନି ଲେକାନି ହାତୁର୍ ଜହନ୍ ଲେକିକିତି ନେକ୍ରିକାବୁରନି ଲେକା ହାତୁର୍ ହୁଦା° ବେସି ଲାଗା° ଚଞ୍ଜାନାତ୍ । ଇଦା° ପାଚ୍ କିଆନାତ୍ ଜେ ଏଚେକାତ୍ତ ହେଝାନ୍ ଏପିସିତ ମାଚାନ୍ ହେ ଜହନ୍ ଲେକିକିତି ନେକ୍ରିକାବୁର ଆରି ଜହନ୍ତି ତିନି ଗଟା ଆକି° ଲେକିକିତି ମାଚାନ୍ ୧ ଜହନ୍, ଜେତି ଜହନ୍ ଆରି ୩ ଜହନ୍ ।

ଗିଆନିର୍ ଇନ୍ୟାନି ର କୁଦା ଲକୁରି° ମଣ୍ଡଲି ଇଲ୍ଲନି ଝିଜାର୍ କ୍ରିସ୍ଟିୟାନ୍ରି° ଇ ଆକି ଲେକିକିତି ମାଚାନ୍ । ହେଝାର୍ ପାଚ୍ କିନାର୍ ଜେ, ଜିସୁ କ୍ରିସ୍ଟି ହାତ୍ପା ବାଚ୍ ଇସ୍ପର୍ ଆନାନ୍ ମାତର୍ ଜଗତ୍ତ ମାନି ଝେଡାଲି° ହେଝାନ୍ ବାଚ୍ ରଚେ ଜେୟ୍ ଆସ୍ତି ମାନାୟ୍ ଆକାୟ୍ । ଜହନ୍ ଜିସୁ କ୍ରିଷ୍ଟି କାଣ୍କୁନି ସାକି ଆରି ହେଝାନ୍ତି କେଇ ହେଝାନି° ତୁଜି ମାଚିଲେ ହେଝାନ୍ ଇଦା° ଲେକିକିନାନା ୧:୧-୩ । ଇନେକିଦେ°କି ଜହନ୍ ଇ ଆକି ଲେକିକିଦେ° ଇଦା° ଜେ, ହେଝାନ୍ତି ଝାରି ବାଚ୍ କିଦେକ୍ ୧ ଜହନ୍ ୧:୪ଆରି ପାଚ୍ତ ମାନାକାରି° ପାପ୍ତା° ଦେହା ମାଞ୍ଜେକ୍ ୧ ଜହନ୍ ୨:୧ଆରି ମିଚ୍ ହିକ୍ୟାତା° ପାଚ୍ ନିକାରି° ଜାଗ୍ରତ୍ ଇଡ୍ଦେ° ୧ ଜହନ୍ ୨:୨୭ଆରେ ପାଚ୍ ନିକାରି° ହାତ୍ପା ଜାଗ୍ରତ୍ରେ ଇଡ୍ନାତ୍ ଇଞ୍ଜି ୫:୧୩

### **୧ ଜହନ୍ ଆକି ବିସ୍ପେନି ରାହାଣ୍**

୧. ଜହନ୍ ହେଝାନ୍ତି ଆକିନି ଜାଣା ହିଜି ଲେକାନି ବିସ୍ପେ

ଲେକିକିନାନା ୧:୧-୪

- ୨. ଇସ୍‌ବର ଇନେସ୍ ଅଜଡ଼୍ ବୁଜାୟ୍ କିଜି ଜିସୁତି ଲାକେ ଜିବୁନ୍ କାଟି କିଦେଙ୍ଗ୍ ଇନାନ ୧:୫-୩:୧୦
- ୩. ମାଜେଙ୍ଗ୍ ହାରି ଜିଉନନି ବିସ୍ତେ ଏଡ଼ କିଜି ହିନାନ ୩:୧୧-୫:୧୨
- ୪. ହେଝାନ୍ତି ଲେକା ଝିହ୍ନାନ ୫:୧୩-୨୧

**ଜିବୁନ୍‌ହିନି ବଚନ୍**

୧ ଆଗେତା\* ଇନେର୍ ମାଚାନ୍, ଇନେର୍ତି ବଚନ୍ ଆସେଙ୍ଗ୍ ଝେଚ୍‌ଚାସ୍‌ନା, ଇନେରିଂ ନିଜ୍ କାଣ୍‌କୁତାଙ୍ଗ୍ ହୁଡ଼୍‌ତାପ୍‌ନା, ଇନେରିଂ ଇଚ୍‌କାଡ଼୍ କିତାପ୍‌ନା ଆରି ଜାର୍ କେଇଦାଙ୍ଗ୍ ତୁଡ଼ାପ୍‌ନା, ହେ ଜିବୁନ୍ ଲାକେ ବଚନ୍ ବିସ୍ତେ ଜାଣାୟ୍‌କିଦ୍‌ନାପା । ୨ ହେ ଜିବୁନ୍ ଚଞ୍ଜୟାତାନ୍, ଆରେ ଆପେଂ ହୁଡ଼୍‌ତାପ୍‌ନା ଆରି ସାକି ହିନାପା; ଇମ୍‌ଣି ଝିଜ୍‌ଝି ଜିବୁନ୍ ଆବା ଲାହାଙ୍ଗ୍ ନିତ୍ତେ ମାଚାନ୍ ଆରେ ମା କଚଣ୍ ହଡ଼୍‌ତାକା, ହେଝାନ୍ତି ବିସ୍ତେ ମିଙ୍ଗେଙ୍ଗ୍ ଝେଚ୍‌ଚାନାପା । ୩ ଇନାକା ଆପେଂ ହୁଡ଼୍‌ତାପ୍‌ନା ଆରି ଝେଚାପ୍‌ନା, ହେଦାଂ ମିଙ୍ଗେଙ୍ଗ୍ ପା ଝେଚ୍‌ଚାନାପା, ଇନେସ୍‌କି ଏପେଙ୍ଗ୍ ପା ମା ଲାହାଙ୍ଗ୍ ମେହାଆଦେଂ ଆଡ଼୍‌ଦାନାଦେର; ଆରେ ମା ମେହାଆନାକାନ୍ ଆବା ଇସ୍‌ବର ଆରି ତା ମାଜି ଜିସୁ କ୍ରିସ୍ଟ ଲାହାଙ୍ଗ୍ ମାନାଡ଼ ।

୪ ମା ଝାରି ଇନେସ୍‌କି ପୁରା ଆନାଡ଼, ଇଦାଂ କାଜିଙ୍ଗ୍ ଆପେଂ ଇ ଝିଜୁ ଲେକିକିନାପା ।

**ଇସ୍‌ବରତି ଅଜଡ଼୍**

\* ଆପେଂ ତା ତାକେଣ୍ଡାଙ୍ଗ୍ ଇମ୍‌ଣି ନେକ୍ରିକାବୁର୍ ଝେଚ୍‌ଚାତାପ୍‌ନା ଆରି ମିଙ୍ଗେଙ୍ଗ୍ ଝେଚ୍‌ଚାନାପା, ହେଦାଂ ଇସ୍‌ବରତି ଅଜଡ଼୍ ଆରେ ତା ତାକେ ମାଜ୍‌ଗା ହିଲୁଡ଼ । ୨ ତା ଲାହାଙ୍ଗ୍ ଆସେଙ୍ଗ୍ ମେହାଆନାକା ମାନାଡ଼, ଇଦାଂ ଇଞ୍ଜି ଜଦି ଆସେଙ୍ଗ୍ ମାଜ୍‌ଗାନି ବେବାର୍ କିନାସ୍, ତା ଆତିସ୍ ଆସେଙ୍ଗ୍ କାତାତ ଆରି କାମାୟ୍‌ତ ମିଚ୍‌ଝାକାସ୍, ଆରେ ହାଡ଼୍‌ପା ବେବାର୍ କିଜିମାନୁସ୍ । ୩ ମାତର୍ ହେଝେନ୍ ଇନେସ୍‌କି ଅଜଡ଼୍‌ନିକାନ୍ ଆସେଙ୍ଗ୍ ଜଦି ହେ ଲାକେ ଅଜଡ଼୍‌ନି ବେବାର୍ କିନାସ୍, ଲାଗିଂ ମାଦାଂ ହାରି ମେହାଣ୍ ମାନାଡ଼, ଆରେ ହେଝାନ୍ତି ମାଜି ଜିସୁତି ନେତେର୍ ଝିଜୁ ପାପ୍‌ତାଂ ମାଜେଙ୍ଗ୍ ସକଚ୍ କିଦ୍‌ନାଡ଼ ।

---

\* ୧:୧ ୧:୧ ଜହନ ୧:୧.

୮ ମାଦାଂ ପାପ୍ ହିଲୁଡ଼, ଇଦାଂ ଜଦି ଇନାସ୍, ତା ଆତିସ୍ ଜାର୍ ଜାର୍ତିଙ୍ଗ୍ ମିର୍ ଇନାସା, ଆରେ ମା ତାକେ ସତ୍ ଆକାୟ୍ । ୯ ଜଦି ଆସେଙ୍ଗ୍ ଜାର୍ ଜାର୍ତିଙ୍ଗ୍ ପାପ୍ ମାନି କିନାସ୍, ଲାଗିଂ ହେଞ୍ଜାନ୍ ମା ପାପ୍ କେମା କିଦେଙ୍ଗ୍ ଆରି ଝିଜୁ ଅଦାମ୍ ତାଂ ମାଙ୍ଗେଙ୍ଗ୍ ସକର୍ କିଦେଙ୍ଗ୍ ପାତ୍ ଆରି ନ୍ୟାୟ୍‌କାରିୟାର୍ ଆତାନ୍ନା । ୧୦ ଆପେଂ ପାପ୍ କିଞ୍ଜାତାପ୍ନା, ଇଦାଂ ଜଦି ଇନାସ୍, ତା ଆତିସ୍ ଆସେଙ୍ଗ୍ ତାଙ୍ଗେଙ୍ଗ୍ ମିର୍ଞ୍ଜା ଇନାସ୍, ଆରେ ତା ବଚନ୍ ମା ତାକେ ହିଲୁଡ଼ ।

## ୨

### ରାକ୍ୟାକାରିୟା ଜିସୁ

୧ ଏ ନା ହିମ୍‌ଣାଂ ଏପେଙ୍ଗ୍ ଇନେସ୍ ପାପ୍ କିମାଟ୍, ଇଦାଂ କାଜିଂ ଆନେଙ୍ଗ୍ ଇ ଝିଜୁ ମି ଲାଗାଂ ଲେକିକିନାଙ୍ଗା । ମାତର୍ ଇନେର୍ ଜଦି ପାପ୍ କିନାନ୍, ତା ଆତିସ୍ ଆବା ଲାଗାଂ ମାଦାଂ ରକାନ୍ ଉପ୍‌କାର୍ ନିକାନ୍ ମାନାନ୍ ହେ ଦାମ୍ ଜିସୁ କ୍ରିସ୍ଟ୍ । ୨ ଆରେ ମା ପାପ୍ କାଜିଙ୍ଗ୍, କେବଲ୍ ମା ପାପ୍ କାଜିଙ୍ଗ୍ ଆକାୟ୍, ମତର୍ ସବୁ ଜଗଡ଼ି ପାପ୍ କାଜିଙ୍ଗ୍ ପା ଜିବୁନ୍ ହିନାକା ଲାକେ ଆନାନ୍ ।

୩ ଜଦି ଆସେଙ୍ଗ୍ ତା ବଲ୍ ମାନି କିନାସ୍, ତେବେ ହେବେଣ୍ଡାଂ ପୁନାସ୍ ଜେ, ଆସେଙ୍ଗ୍ ତାଙ୍ଗେଙ୍ଗ୍ ପୁରାସନା । ୪ ତା ବଲ୍ ମାନି କିଞ୍ଜାଦାଂ ତାଙ୍ଗେଙ୍ଗ୍ ପୁନାଙ୍ଗ୍ ଇଞ୍ଜି ଇନେନ୍ ଇନାନ୍, ହେଞ୍ଜେନ୍ ମିର୍ଞ୍ଜା ଆରି ତାତାକେ ସତ୍ ହିଲୁଡ଼; ୫ ମାତର୍ ଇନେର୍ ତା ବଚନ୍ ମାନି କିନାନ୍, ତା ତାକେ ଇସ୍‌ରତି ଜିଉନନାକା ହାତ୍‌ପା ଲାକେ ହାଦାକା ଆତାଡ଼ନ୍ନା । ଇଦାଂ କାଜିଙ୍ଗ୍ ଆସେଙ୍ଗ୍ ପୁନାସ୍ ଜେ, ଆସେଙ୍ଗ୍ ତା ତାକେ ମାନାସ୍ । ୬ ଇନେର୍ ଇସ୍‌ରତି ତାକେ ମାନାନ୍ ଇଞ୍ଜି ଇନାନ୍, ହେଞ୍ଜାନ୍ ଜିସୁ କ୍ରିସ୍ଟ୍ ଲାକେ ଜିବୁନ୍ ଜିପ୍‌କା କିନି ଲଡ଼ା ।

### ପୁନି ବଲ୍

୭ ☆ଏ ଝାରିନିକାଦେର୍, ଆନେଙ୍ଗ୍ ମି ଲାଗାଂ ଇମ୍‌ଣାକାପା ପୁନି ବଲ୍ ଲେକିକିଉଙ୍ଗା, ମତର୍ ଆଗେତାଂ ଇମ୍‌ଣି ପୁନି ବଲ୍ ଏପେଙ୍ଗ୍ ପାୟା ଆତାଦେଣ୍ଡା, ହେଦାଂ ଲେକିକିନାଙ୍ଗା; ଇମ୍‌ଣି ବଚନ୍ ଏପେଙ୍ଗ୍

ଝେରାଦେଣ୍ଡା, ହେଦାଂ ନେ ହେ ପୁନି ବଲ୍ । ୮ ମାତର ଇଦିଲିଂ ର ପୁନି ବଲ୍ ଲାକେ ଇବେ ଆନ୍ ଲେକିକିନାଙ୍ଗା, ଇଦାଂ ତା ତାକେ ଆରି ମି ତାକେ ହାଡ଼ପା ଇଞ୍ଜି ହନାଡ଼ । ଇନେକିଦେଂକି ମାଜ୍‌ଗା ଗୁଟାଆନାତା ଆରି ହାଡ଼ପା ଅଜଡ଼ ହତାତେ ।

୯ ଇନେର ଜାର୍ ଟଣ୍ଡେନିଙ୍ଗ୍ ଗିଣ୍ କିଜି ଇନାନ୍ ଜେ ହେଝାନ୍ ଅଜଡ଼ତ ମାନାନ୍, ହେଝାନ୍ ଇ ପାତେକ୍ ପା ମାଜ୍‌ଗାତ ମାନାନ୍ । ୧୦ ଇନେର ଜାର୍ ଟଣ୍ଡେନିଙ୍ଗ୍ ଜିଉନନାନ୍, ହେଝାନ୍ ଅଜଡ଼ତ ମାନ୍‌ଜାମାନ୍, ଆରେ ତା ତାକେ ଉଜ୍‌ନାକା ବିସ୍ତେ ହିଲୁଡ଼ । ୧୧ ମତର ଇନେନ୍ ଜାର୍ ଟଣ୍ଡେନିଙ୍ଗ୍ ଗିଣ୍ କିନାନ୍, ହେଝେନ୍ ମାଜ୍‌ଗାତ ମାନାନ୍, ଆରେ ମାଜ୍‌ଗାତ ବୁଲା ଆଜି ଇମିନିପଣ୍ଡା ହାନାନା, ହେଦାଂ ପୁନୁନ୍, ଇନେକିଦେଂକି ମାଜ୍‌ଗା ତା କାଣ୍‌ଗାତିଙ୍ଗ୍ କାଣା କିତାଡ଼ନା ।

୧୨ ଏ ଇସ୍‌ରତି ହିମ୍‌ଶାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ତା ତର କାଜିଙ୍ଗ୍ ମି ପାପ୍ କେମା ଆତାଡ଼ନା । ୧୩ ଏ ଆବାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁନାଦେରା । ଏ ବେଣ୍ଡୁୟାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଏପେଙ୍ଗ୍ ସୟ୍‌ତାନ୍‌ତା ଜିତା ଆତାଦେଣ୍ଡା ।

୧୪ ହିମ୍‌ଶାକାଦେର୍, ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି, ଏପେଙ୍ଗ୍ ଆବାଙ୍ଗ୍ ପୁଟାଦେଣ୍ଡା । ଏ ଆବାକାଦେର୍ ଆନେଙ୍ଗ୍ ମି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁଟାଦେଣ୍ଡା । ଏ ବେଣ୍ଡୁୟାକାଦେର୍, ଆନେଙ୍ଗ୍ ମି ଲାଗାଂ ଲେକିକିତାଙ୍ଗ୍, ଇନେକିଦେଂକି ଏପେଙ୍ଗ୍ ବାପୁକାଦେର୍ ଆରେ ଇସ୍‌ରତି ବତନ୍ ମି ତାକେ ମାନାଡ଼ ଆରି ଏପେଙ୍ଗ୍ ସୟ୍‌ତାନ୍‌ତି ଜିଶା ଆତାଦେଣ୍ଡା ।

### ଜଗଡ଼ତିଂ ଜିଉ ନମାଟ୍

୧୫ ଜଗଡ଼ କି ହେବେ ମାନି ବିସ୍ତେ ଝିଜାରିଂ ଜିଉ ନମାଟ୍ । ଇନେର ଜଦି ଜଗଡ଼ତିଙ୍ଗ୍ ଜିଉନନାନ୍, ଆବାଙ୍ଗ୍ ଜିଉନନାକା ତା ତାକେ ହିଲୁଡ଼; ୧୬ ଇନେକିଦେଂକି ଗାଗାଡ଼ନି ଆହା କାଣ୍‌ଗାନି ଆହା ଦାନ୍ ଗରବ୍ ଜଗଡ଼ତ ମାନି ଇ ଝିଜୁ ବିସ୍ତେ ଆବାତାଂ ଆକାୟ୍, ମାତର

ପୁତ୍ରତାଂ ଉତ୍ତରାଣ ଆଜି ମାନୁଷ୍ୟମାତ । ୧୭ ଆରେ, ଜଗତ୍‌ନିକା ଆରି ହେବେ ଆହା ହିଲୁଞ୍ଜିତିସ୍, ମାତର୍ ଇନେର୍ ଇସ୍‌ସୁର୍ତି ଇତା ମାନି କିତାର୍, ହେଞ୍ଜେନ୍ ନିତ୍ତେ ଓଜ୍‌ଞ୍ଜିନିକାନ୍ ।

### କ୍ରିଷ୍ଟି ସାତୁ

୧୮ ଏ କାଡ଼ଦେର୍, ହାରିହାରା କାଡ଼ ଏକା ଖାତାତେ, ଆରେ ଚାକ୍ରାୟକ୍ରିଷ୍ଟ ଇଞ୍ଜି ଏପେଙ୍ଗ୍ ଇନେସ୍ ଞ୍ଜେନ୍‌ଞ୍ଜି ମାଚାଦେର୍ ହେ ଲାକେ ନଙ୍ଗ୍ ପା ବେସି ଚାକ୍ରାୟକ୍ରିଷ୍ଟ ନିଙ୍ଗ୍‌ତାରେ; ଇଦାଂ କାଜିଙ୍ଗ୍ ଆସେଙ୍ଗ୍ ପୁରାପନା ଜେ, ହାରିହାରା କାଡ଼ ଇକାଖାତାତେ । ୧୯ ହେଞ୍ଜାର୍ ମା ବିତ୍ତେତାଂ ହତାର୍, ମାତର୍ ହାଡ଼ପା ମା ଦଲ୍‌ନି ଲକୁ ହିଲୁଞ୍ଜାତାର୍; ଇନେକିଦେଂକି ଜଦି ମା ଦଲ୍‌ନି ଲକୁ ଆଜି ମାଚିସ୍, ଆତିସ୍ ମା ଲାହାଙ୍ଗ୍ ମାନୁଗାତାର୍‌ମା; ମାତର୍ ହେଞ୍ଜାର୍ ଜେ ମା ଦଲ୍‌ନି ଲକୁ ଆକାୟ୍, ଇଦାଂ ଇନେସ୍‌କି ହତନାଡ଼ ଇଦାଂ କାଜିଂ ହେଞ୍ଜାର୍ ହସି ହାଚାର୍ ।

୨୦ ଆରେ ଏପେଙ୍ଗ୍ ହେ ପୁଇପୁୟା ମାନାୟତାଂ ସିରି ପାୟାଆତିଲେ ଏପେଙ୍ଗ୍ ଓଜ୍‌ଜୁ ଗିଆନ୍ ପାୟା ଆତାଦେଣ୍ଟା । ୨୧ ଏପେଙ୍ଗ୍ ସଡ଼ ପୁନ୍‌ଖାଦାଙ୍ଗ୍ ମାଚିଲେ ଆନେଙ୍ଗ୍ ଜେ ମି ଲାଗାଂ ଲେକିକିତାଂ, ହେଦାଂ ଆକାୟ୍, ମାତର୍ ଏପେଙ୍ଗ୍ ହାଡ଼ପା ପୁନ୍‌ଞ୍ଜି ମାଚିଲେ ଲେକିକିନାଙ୍ଗା । ଆରି ହାଡ଼ପାତାଂ ଇନାକା ମିର୍ ଉତ୍ତରାଣ୍ ଆଉଡ଼ ଇଞ୍ଜି ପୁନ୍‌ଞ୍ଜି ମାଚିଲେ ଆନେଙ୍ଗ୍ ମି ଲାଗାଂ ଲେକିକିତାଙ୍ଗ୍ ।

୨୨ ଜିସୁ ଜେ କ୍ରିଷ୍ଟ ଆନାନ୍, ଇଦାଂ ଇନେର୍ ମୁନାକିନାନ୍, ତା ଲାକେ ଆରେ ମିର୍‌ଖା ଇନେର୍ ? ଇନେର୍ ଆବା ଆରି ମାଜିଙ୍ଗ୍ ମୁନାକିନାନ୍, ହେଞ୍ଜେନ୍ ତ ହେ ଚାକ୍ରାୟକ୍ରିଷ୍ଟ । ୨୩ ଇନେର୍ ମାଜିଙ୍ଗ୍ ମୁନାକିନାନ୍ ହେଞ୍ଜେନ୍ ଆବାଙ୍ଗ୍ ଗାଟା ଆଖାତାନ୍ନା; ଇନେନ୍ ମାଜିଙ୍ଗ୍ ଏତୁ କିନାନ୍; ହେଞ୍ଜେନ୍ ଆବାଙ୍ଗ୍ ପା ଗାଟାଆତାନ୍ନା ।

୨୪ ଏପେଙ୍ଗ୍ ଆଗେ ତାଙ୍ଗ୍ ଇନାକା ଞ୍ଜେଚାଦେଣ୍ଟା. ହେଦାଂ ମି ତାକେ ମାନେଡ଼ । ଏପେଙ୍ଗ୍ ଆଗେ ତାଙ୍ଗ୍ ଇନାକା ଞ୍ଜେଚାଦେଣ୍ଟା, ହେଦାଂ ଜଦି ମି ତାକେ ମାନାଡ଼, ତା ଆତିସ୍ ଏପେଙ୍ଗ୍ ପା ମାଜି ଆରି ଆବାତି ତାକେ ମାନୁଞ୍ଜାମାଦେର୍ । ୨୫ ଆରେ ହେଞ୍ଜେନ୍ ମାଙ୍ଗେଙ୍ଗ୍ ଇନାକା ପାର୍ମାଣ୍ କିତାନ୍ନା, ହେଦାଂ ଓଜ୍‌ଞ୍ଜି ଜିବୁନ୍ ।

୨୭ ଇନେରକି ମିଂ ଚାକ୍ରାୟ କିଦେଈ ସେଷ୍ଟୁ କିତାର୍, ହେଞ୍ଜାର ବିସ୍ତେ ଆନେଈ ମି ଲାଗାଂ ଇ ଝିନ୍ତୁ ଲେକିକିତାଂ । ୨୭ ମାତର୍ ଏପେଈ ହେଞ୍ଜାନତାଈ ଇମଣି ସିଗ୍ ଗାଟାତାଦେଣ୍ଟି, ହେଦାଂ ମି ତାକେ ମାନାଟ୍, ଆରେ ଇନେର ଜେ ମିଈଈଈ ହିକ୍ୟା ହିଦ୍ନାନ, ଇଦାଂ ମିଈଈଈ ଲଡ଼ା ଆକାୟ୍, ମତର୍ ହେଞ୍ଜାନତାକେଣ୍ଟା ହେ ସିଗ୍ ମିଈଈଈ ଝିନ୍ତୁ ବିସ୍ତେ ଇମଣି ହିକ୍ୟା ହିଦ୍ନାନ, ହେଦାଂ ହାଡ଼ପା ଆନାଟ୍; ମିର୍ ଆକାୟ୍; ଲାଗିଂ ହେ ହିକ୍ୟା ଇସାବ୍ତେ ହେଞ୍ଜାନତାକେ ମାନେଟ୍ ।

୨୮ ଲାଗିଂ, ଏ ବପାକାଦେର୍, କ୍ରିସ୍ତୁତି ତାକେ ମେହାଜି ମାନାଟ୍, ଇନେସକି ହେଞ୍ଜେନ୍ ଏଚେକାଡ଼ଦ ହଡ଼ନାଟ୍, ହେ ପାଦନା ତା ଝାନି ସମୁତ ତା କଚଣ୍ଡ ଆସେଈ ଲାଜା ଆଞ୍ଜାଦାଈ ସାସ୍ ପାୟାନାସ୍ । ୨୯ ହେଞ୍ଜାନ ଦାମ୍ ନିକାନ୍ ଇଦାଂ ଜିଜି ପୁନାଦେର୍ ତେବେ ଇନେର୍ ଦାରୁମ୍ ବେବାର୍ କିନାର୍, ହେଞ୍ଜାନ ଜେ ତାତାଂ ଜଲମ୍, ଇଦାଂ ପା ପୁନାଟ୍ ।

## ୩

### ଇସ୍ପୁରତି ମାଜି

୧ ✧ ହୁଡ଼ାଟ୍, ଆବା ମାଈଈଈ ଇନେସ୍ ଜିଉନଦ୍ନାନା ଜେ, ଆସେଈ ଇସ୍ପୁରତି ହିମଣାଈ ଇଞ୍ଜି ତାକ୍ପୁଟା ଆନାସ୍, ଆରେ ଆସେଈ ହେଦାଂ ନେ ଆନାସ୍ । ଇଦାଂ କାଜିଈ ଜଗଡ଼ ମାଈଈଈ ଚିନ୍ କିଦୁତା, ଇନେକିଦେଂକି ହେଦାଂ ତାଈଈଈ ଚିନ୍ କିଞ୍ଜାଦାଈ ମାଟାଟ୍ । ୨ ଏ ଝାରିନିକାଦେର୍, ନଂ ଆସେଈ ଇସ୍ପୁରତି ହିମଣା ଆତାସ୍ନା, ଆରେ ଆସେଈ ଇନାକା ଆନାସ୍, ହେଦାଂ ନଈଈ ପାତେକ୍ ହଡ଼ଞ୍ଜାତାଡ଼ନା । ଆସେଈ ପୁନାସ୍ ଜେ, ହେଞ୍ଜାନ ଏଚେକାଡ଼ଦ ହଡ଼ନାନ୍, ହେ ପାଦନା ଆସେଈ ତା ଲାକେ ଆନାସ୍, ଇନେକିଦେଂକି ହେଞ୍ଜେନ୍ ଇନେସକି, ଆସେଈ ହେ ଲାକେ ତାଈଈଈ ହୁଡ଼ନାସ୍ । ୩ ଆରେ ଇନେରକି ଦାମ୍ ତାବେ ଇ ବାସ୍ ଇଡ଼ତାନ୍ନା, ହେଞ୍ଜେନ୍ ଇନେସକି ପୁଇପୁୟା ଆତାନ୍ନା, ହେଞ୍ଜେନ୍ ହେ ଲାକେ ଜାର୍ ତିଈଈ ପୁଇପୁୟା କିନାନ୍ ।

୪ ଇନେରକି ପାପ୍ କିନାନ୍, ହେଞ୍ଜେନ୍ ପା ବିଦି ବଲ୍ ମାନି କିଉନ୍, ଇନେକିଦେଂକି ବିଦି ମାନିକିଞ୍ଜାକା ନେ ପାପ୍ । ୫ ✧ ଇଦାଂ ଏପେଈ ପୁନାଟ୍ ଜେ କ୍ରିସ୍ତୁ ଆଗେ ପାପ୍ ପିଣ୍ଡି ଅଦେଂ ଝାତାନ୍, ଆରେ ତା ତାକେ

✧ ୩:୧ ୩:୧ ଜହନ୍ ୧:୧୨. ✧ ୩:୫ ୩:୫ ଜହନ୍ ୧:୨୯.

ପାପ ହିଲୁଡ଼ ।<sup>୬</sup> ଇନେରକି ତା ତାକେ ମାନଙ୍ଗାନାନ୍, ହେଝେନ୍ ପାପ କିଉନ୍; ଇନେରକି ପାପ କିନାନ୍, ହେଝେନ୍ ତାଲୋଙ୍ଗ ହୁଡ଼ଝାତାନ୍ନା, କି ତାଙ୍ଗ ପୁନ୍ଝାତାନ୍ନା ।

<sup>୭</sup> ଏ କାଡ଼ଦେର, ଇନେର ମିଲୋଙ୍ଗ ବୁଲକାୟ୍ କିଦମେନ୍; ଇନେର ଦାମ୍ ବେବାର କିନାନ୍, ହେଝେନ୍ ଇନେସକି ଦାମ୍ ଆନାନ୍, ହେଝେନ୍ ହେ ଲାକେ ଦାମ୍ ଆନାନ୍; ଠ ଇନେର ପାପ କିନାନ୍, ହେଝେନ୍ ସୟତାନ୍ତା ହଡ଼ତାକାନ୍, ଇନେକିଦେକି ସୟତାନ୍ ପର୍ତ୍ତମ୍ ପାପ କିଜି ଝାନାତା । ସୟତାନ୍ତି କାମାୟ୍ କିନି କାଜିଙ୍ଗ ଇସ୍ପୁରତି ମାଜି ଚଞ୍ଜିୟା ଆତାନ୍ ।

<sup>୮</sup> ଇନେରକି ଇସ୍ପୁରତି ତା ଉବ୍ଜାଣ୍, ହେଝେନ୍ ପାପ କିଉନ୍, ଇନେକିଦେକି ଇସ୍ପୁରତି ମାଜି ତା ତାକେ ମାନଙ୍ଗାନାନ୍, ଆରେ ହେଝେନ୍ ଇସ୍ପୁରତା ଉବ୍ଜାଣ୍ ଆତିଲେ ପାପ କିଦେଙ୍ଗ୍ ଆତୁନ୍ ।  
<sup>୧୦</sup> ଇବେ ଇନେର ଇସ୍ପୁରତି ହିମ୍ଣା ଆରି ଇନେର ସୟତାନ୍ତି ହିମ୍ଣା ଇଦା ହଡ଼ନାଡ଼; ଇନେରକି ଦାମ୍ ବେବାର କିଉନ୍, କି ଜାର ପାତ କିନି ଟଣ୍ଡେନ୍ ଆରି ତଣ୍ଡେକକା ଜିଉନଉନ୍, ହେଝେନ୍ ଇସ୍ପୁରତା ଉବ୍ଜାଣ୍ ଆକାୟ୍ ।

ରଝାନ୍ ଆରେ ରକାନି କାଜି ଜିଉନନାକା

<sup>୧୧</sup> ✧ ରଝାନ୍ ଆରେ ରଝାନି ଜିଉନନାକା, ଇ କାତା ଏପେଙ୍ଗ୍ ଆଗେତା ଝେଚାଦେଣ୍ଡା; <sup>୧୨</sup> ସୟତାନ୍ ଜିବୁନ୍ନି ହିମ୍ଣା ଜେ କୟିନ, ତା ଲାକେ ଆମାଟ୍ ହେଝେନ୍ ଜାର ଟଣ୍ଡେନିଙ୍ଗ୍ ଅସ୍ତାନ୍; ଆରେ ହେଝେନ୍ ହେଝାନି ଇନେକିଦେ ଅସ୍ତାନ୍ ? ଇନେକିଦେକି ଇଦା ଇନେସ୍ ତା କାମାୟ୍ତ ପାପ ମାଚାଡ଼, ଆରେ ତା ଟଣ୍ଡେନ୍ନି କାମାୟ୍ ଦାମ୍ ମାଚାଡ଼ ।

<sup>୧୩</sup> ଏ ଟଣ୍ଡାର ଆରି ତଣ୍ଡେକ ପୁତ୍ ମିଲୋଙ୍ଗ ଗିଣ୍ କିଡ଼ତିସ୍ କାବା ଆନି କାମାୟ୍ କିମାଟ୍ । <sup>୧୪</sup> ✧ ଜଦି ଆପେ କ୍ରିସ୍ଟିୟାନ୍ ଟଣ୍ଡେନ୍ ଆରି ତଣ୍ଡେକା ଜିଉନନାପା ଆପେ ପୁନାପ୍ ଜେ, ଆସେଙ୍ଗ୍ ହାକିତି ନାସି ହାଲ୍ଜି ଜିବୁନ୍ତ ହଟାସ୍ନା । ଇନେର ଜିଉନଉର୍ ହେଝାନ୍ ନା ପା ହାକି ତାରେନ୍ ମାନାର୍ । <sup>୧୫</sup> ଇନେରକି ଜାରତି କ୍ରିସ୍ଟିୟାନ୍ ପାତ

କିନାକାନ ଟଣ୍ଡେନ୍ ଆରି ତଣ୍ଡେକକାଂ ଗିଣ୍ କିନାନ୍, ହେଝେନ୍ ନାର୍ ଅହ୍ନାକାନ ଆରେ ନାର୍ ଅହ୍ନାକାନ ତାକେ ଇନେସ୍ ଝିଜ୍ଝି ଜିବୁନ୍ ମାନ୍‌ଗୁଡ଼, ଇଦାଂ ଏପେଙ୍ଗ୍ ପୁନାଟ୍ । ୧୭ ହେଝାନ୍ ମା କାଜିଂ ଜାର୍ ଜିବୁନ୍ ଦାନ୍ କିନି କାଜିଙ୍ଗ୍ ଆସେଙ୍ଗ୍ ଜିଉନନି ଚିନ୍‌ଲୀକେ ଗାଟାଆତାସନା; ଆରେ କ୍ରିଷ୍ଟ ଟଣ୍ଡାର୍ କାଜିଂ ମାଦାଙ୍ଗ୍ ପା ପାରାଣ୍ ଦାନ୍ କିନାକା ଲଡ଼ା । ୧୭ ମାତର୍ ଇନେର୍ ଜଗଡ଼ନି ବାଗ୍ରେ ମାଜାନ୍ ଆଜି ଜାର୍ ଟଣ୍ଡେନି ଅବାବ୍ ହୁଡ଼ତିସ୍ ହେଦାଂ କାଜିଂ ଜାର୍ ଦୟା ଗେହ୍ନାନ୍, ତା ତାକେ ଇସ୍ପରତି ଜିଉନନାକା ଇନେସ୍ ମାଝେଙ୍ଗ୍ ଆଡ଼ନାଡ଼ ? ୧୮ ଏ ହିମଣାଂ, ଝାଡୁ, ଆସେଙ୍ଗ୍ ବଚନ୍ତ କି ଝେନ୍‌ଲୁଡ଼ ଜିଉନଝାଦାଂ କାମାୟତ ଆରି ହାଡ଼ପାତ ଜିଉନନାସ୍ ।

### ଇସ୍ପରତି ମାନିତାକେ ସଡ଼ ସାସ୍

୧୯ ତା ଆତିସ୍, ଆସେଙ୍ଗ୍ ପୁନାସ୍ ଜେ, “ହାଡ଼ପା” ନେ ମା ମାନାକା ଆରି ଏନେତେନେ ଆଝାଦାଂ ମାନ୍ତ ଇସ୍ପର ଲାଗାଂ ହାଝେଙ୍ଗ୍ ଆଡ଼ନାସ୍ । ୨୦ ଆରେ ଇମଣି ବିସ୍ତେ ମା ମାନ୍ତ ମାଙ୍ଗ୍ ଦସି କିଦନାଡ଼, ହେ ବିସ୍ତେ ତାକାଜିଂ ହେଝାନ୍ତି ମୁମ୍ଦ ଜାର୍ତି ଇଚାତ ସୁସ୍ତା କିଦେଙ୍ଗ୍ ଆଡ଼ନାସ୍; ଇନେକିଦେଂକି ଇସ୍ପର ମା ମାନ୍ତାଙ୍ଗ୍ ଗାଜା ଆରି ହେଝାନ୍ ଝିଜେ ପୁନାନ୍ । ୨୧ ଏ ଝାରିନିକାଦେର୍, ମା ମାନ୍ତ ଜଦି ମାଙ୍ଗ୍ ଦସି କିଦୁନ୍, ତା ଆତିସ୍ ଇସ୍ପରତି ମୁମ୍ଦ ମାଦାଂ ସାସ୍ ମାନାଡ଼, ୨୨ ଆରେ ଆସେଙ୍ଗ୍ ଇନା ଇନାକା ଏନ୍‌ନାସ୍, ହେ ସବୁ ହେଝାନ୍ତି ତାକେ ଗାଟାଆସି ମାନାସ୍, ଇନେକିଦେଂକି ଆସେଙ୍ଗ୍ ହେଝାନ୍ତି ବଲ୍ ମାନିକିନାସ୍, ଆରେ ହେଝାନ୍ତି କାଣିଙ୍ଗାତ ଇନାକା ସାରି, ହେଦାଂ କିଜି ମାନାସ୍ । ୨୩ ☆ହେଝାନ୍ତି ବଲ୍ ଏଲେଙ୍ଗ୍ ଜେ, ଆସେଙ୍ଗ୍ ହେଝାନ୍ତି ମାଜି ଜିସୁ କ୍ରିଷ୍ଟି ତରଦ ପାତ କିନାସ୍ ଆରି ହେଝାନ୍ତି ହିଡ଼ତାକା ବଲ୍ ହୁଦାଂ ହାରି ଜିଉନନାସ୍ । ୨୪ ଇନେର୍ ହେଝାନ୍ତି ବଲ୍ ମାନି କିନାନ୍, ହେଝାନ୍ ହେଝାନ୍ତି ତାକେ ମାନ୍‌ଗାନାନ୍ ଆରି ହେଝାନ୍ ହେଝାନ୍ତି ତାକେ ମାନ୍‌ଗାନାନ୍; ଆରେ ହେଝାନ୍ ଜେ ମା ତାକେ ମାନ୍‌ଗାନାନ୍, ଇଦାଂ ଆସେଙ୍ଗ୍ ହେଝାନ୍ତି ହିଡ଼ତାକା ଜିବୁନ୍ ଲାହାଙ୍ଗ୍ ପୁନାସା ।

☆ ୩:୨୩ ୩:୨୩ ଜହନ ୧୩:୩୪; ୧୫:୧୨, ୧୭.



# ୪

## ଇସ୍ଵରତି ଜିବୁନ୍ ପରିକ୍ୟା

୧ ଏ ଖାରିନିକାଦେର୍, ଝିନ୍ତୁ ଜିବୁନ୍ତିଙ୍ଗ ପାତର୍ କିମାଟ୍, ନଲେ ଜିବୁନ୍ତିଙ୍ଗ ଇସ୍ଵରତାକେ ଖାତାକା କି ଆକାୟ୍, ଇଦାଂ ହେଝାରିଂ ପରିକ୍ୟା କିଜି ହୁଡାଟ୍, ଇନେକିଦେଂକି ଜଗତ୍ତ ଆଦେକ୍ ଚାକ୍ରାୟ୍ ବେଶ୍ଵାକ୍‌ଶାୟ୍‌କିନାକାର୍ ହଡ଼ତାଣ୍ଟା । ୨ ଇଦାଂ ହୁଦାଂ ଏପେଙ୍ଗ୍ ଇସ୍ଵରତି ଜିବୁନ୍ତିଙ୍ଗ ଚିଣିକିଦେଂ ଆଡ଼ନାଦେର୍, ଜିସୁ କ୍ରିଷ୍ଟୁ ଜେ ଗାଗାଡ଼୍ ଆସ୍ତି ଖାତାନ୍, ଇଦାଂ ଇମ୍‌ଶାକା ପା ଜିବୁନ୍‌ମାନି କିନାଡ଼୍, ହେଝାନ୍ ଇସ୍ଵର ତାକେ ଖାତାକାନ୍, ୩ ଆରେ ଇମ୍‌ଶାକା ପା ଜିବୁନ୍ ଜିସୁଙ୍ଗ୍ ମାନିକିଉର୍, ହେଝାନ୍ ଇସ୍ଵରତାଂ ଖାଖାତାକା; ଇଦାଂ ଚାକ୍ରାୟ୍‌କ୍ରିଷ୍ଟୁତି ଜିବୁନ୍, ଇନେରତି ଖାନି କାତା ଏପେଙ୍ଗ୍ ଝେଚାଦେଣ୍ଟା, ଆରେ ହେଦାଂ ନଂ ପା ଜଗତ୍ତ ଏକାଖାତାତନା ।

୪ ଏ ଖାରିନି ହିମ୍‌ଶାଂ, ଏପେଙ୍ଗ୍ ଇସ୍ଵରତି ତାଂ ଜଲମ୍, ଆରେ ଏପେଙ୍ଗ୍ ହେଝାରିଂ ଜିଶାତାଦେଣ୍ଟା, ଇନେକିଦେଂକି ମି ବିତ୍ତେ ବାହା କିତି ଜିବୁନ୍ ଜଗତ୍ତ ଇନେନ୍ ମାନାନ୍, ହେଝାନ୍‌ତାଂ ଗାଜା । ୫ ବୁଲ୍‌କାୟ୍‌କିନି ବେଶ୍ଵାକ୍‌ଶାୟ୍‌କିନାକାର୍ ଇ ସଂସାର୍‌ନିକାର୍ ହେଝାର୍ ଆରି ଜଗତ୍‌ନି ମାନାୟ୍‌ର ହେଝାର୍ କାତା ଝେନାର୍ । ୬ ମାତର୍ ଆସେଙ୍ଗ୍ ଇସ୍ଵରତାଂ ଉର୍‌ଜାଣ୍; ଇନେନ୍ ଇସ୍ଵରତିଂ ପୁନାନ୍, ହେଝାନ୍ ମା କାତା ଝେନାନ୍; ଇନେନ୍ ଇସ୍ଵରତାଂ ଉର୍‌ଜାଣ୍ ଆକାୟ୍, ହେଝାନ୍ ମା କାତା ଝେନୁନ୍ । ଇଦାଂ କାଜିଂ ଆସେଙ୍ଗ୍ ହାଡ଼ପାନି ଜିବୁନ୍ ଆରି ବାତର୍ ନାଡ଼ାୟ୍ ଜିବୁନ୍ତିଂ ଚିନିକିଦେଂ ଆଡ଼ନାସ୍ ।

## ହାରି କାଜିଂ ଜିଉନନାକା

୭ ଏ ଖାରିନିକାଦେର୍, ହାରି ଖାରି କିୟାଟ୍, ଇନେକିଦେଂକି ଜିଉନନାକା ଇସ୍ଵରତାଂ ଉର୍‌ଜାଣ୍, ଆରେ ଇନେନ୍‌କି ଜିଉନନାନ୍, ହେଝାନ୍ ଇସ୍ଵରତାଂ ଉର୍‌ଜାଣ୍ ଆରି ଇସ୍ଵରତିଂ ପୁନାନ୍ । ୮ ଇନେନ୍ ଜିଉନନାନ୍, ହେଝାନ୍ ଇସ୍ଵରତିଂ ପୁନୁନ୍, ଇନେକିଦେଂକି ଇସ୍ଵରତିଂ ଜିଉନନାକାନ୍ । ୯ ଇବେ ଇସ୍ଵରତି ଜିଉନନାକା ମା କାଜିଂ ଚଞ୍ଜୟାତାତନା ଜେ, ହେଝାନ୍ ଜାତର୍ ରକାନ୍ ମାଜିଙ୍ଗ୍ ଜଗତ୍ତ ପକ୍‌ତାତାନ୍ନା, ଇନେସ୍ ଆସେଙ୍ଗ୍ ହେଝାନ୍ତି ହୁଦାଂ ଝିଜ୍ଝି ଜିବୁନ୍ ଗାଟାନ୍‌ସ୍ । ୧୦ ଆସେଙ୍ଗ୍ ଜେ ଇସ୍ଵରତିଂ ଜିଉନନାସ୍, ହେଦାଂ ଆକାୟ୍

ମତର ହେୱାନ ମାଙ୍ଗେଙ୍ଗ ଜିଉନତ୍ତାନ, ଆରେ ଜାର ମାଜିଙ୍ଗ ମା ପାପତ ଜିରୁନ୍ ହିଜି ପକ୍ତାତାନ; ଇବେଣ୍ଡା ତ ଜିଉନନାକା ମେଙ୍ଗନାତ ।

୧୧ ଏ ୱାରିନିକାଦେର୍, ଇସ୍ବର ଜଦି ମାଙ୍ଗ ଏଲେଙ୍ଗ ୱାରି କିଡ଼ତିସ୍, ବାଟିଙ୍ଗ ମାଙ୍ଗେଙ୍ଗ ପା ହାରି ଜିଉନବାନାକା ଲଡ଼ା । ୧୨ ଇନେର୍ ଇନାଝାଡ଼ା ଇସ୍ବରତି ହୁଡ଼ଝାତାନ୍ନା; ଆସେଙ୍ଗ ଜଦି ହାରି ଜିଉନବାନାସ୍, ତା ଆଡିସ୍ ଇସ୍ବର ମା ତାକେ ମାନାନ୍ ଆରି ହେୱାନ୍ତି ଜିଉନନାକା ମା ତାକେ ପୁରା ଆତାଡ଼ନ୍ନା ।

୧୩ ଆସେଙ୍ଗ ଜେ ଇସ୍ବରତି ତାକେ ମାନାସ୍ ଆରି ହେୱାନ ମା ତାକେ ମାନାନ୍, ଇଦା ଆସେଙ୍ଗ ପୁନାସ୍, ଇନେକିଦେକି ହେୱାନ ମାଙ୍ଗ ଜାର ଜିରୁନ୍ତି ମେହାଣ୍ ଦାନ୍ କିଡ଼ତାନନା । ୧୪ ଆବା ଜେ ମାଜିଂ ଜଗଡ଼ନି ମୁଲ୍ତି କାରୟା ଆନି କାଜିଂ ପକ୍ତାତାନ୍ନା, ଇଦା ଆସେଙ୍ଗ ହୁଡ଼ତାସ୍ନା ଆରି ସାକି ହିନାପା । ୧୫ ଇନେର୍କି ଜିସ୍ବଙ୍ଗ ଇସ୍ବରତି ମେହି ଇଞ୍ଜି ମାନି କିନାର୍, ଇସ୍ବର ହେୱାନ୍ତି ତାକେ ମାନାନ୍ ଆରି ହେୱାନ ଇସ୍ବରତି ତାକେ ମାନାନ୍ । ୧୬ ଆରେ ମା କାଜିଂ ଇସ୍ବରତି ଇମ୍ବଣି ଜିଉନନାକା ମାନାତ୍, ହେଦା ଆସେଙ୍ଗ ପୁତାସ୍ନା ଆରି ପାତ କିତାସ୍ନା ।

ଇସ୍ବରତି ଜିଉନନାକା; ଇନେନ୍ ଜିଉନନିତ ମାନାନ୍, ହେୱାନ ଇସ୍ବରତି ତାକେ ମାନାନ୍ ଆରି ଇସ୍ବର ହେୱାନ ତାକେ ମାନଗାନାନ୍ ।

୧୭ ଇସ୍ବର ଜିଉନନି ଜିରୁନ୍ କାଟିକିନାକା ହୁକେ ଇବେତାଂ ଇସ୍ବରତି ଜିଉନନାକା ମା ବିତ୍ତେତାଂ ବାତ ଆତାଡ଼ନ୍ନା ଜେ, ବିଚାଣ୍ଟା ନାଜିଂ ଆସେଙ୍ଗ ସାସ୍ ପାୟାନାସ୍, ଇନେକିଦେକି ହେୱାନ ଇନେସ୍କି ମାନାନ୍, ଆସେଙ୍ଗ ପା ଇ ଜଗଡ଼ତ ହେ ଲାକେ ମାନାସା । ୧୮ ଜିଉନନିତ ପାଣ୍ଡୁମାନ୍ଗୁଡ଼, ମାତର ବାତ ଜିଉନନାକା ପାଣ୍ଡୁତ୍ତୁଂ ଦେହା କିନାତ୍, ଇନେକିଦେକି ପାଣ୍ଡୁଡ଼ାଣ୍ଡ ଲାହାଙ୍ଗ ମେହାଆତାନ୍ନା, ଆରେ ଇନେନ୍ ପାଣ୍ଡୁନାନ୍, ହେୱାନ ଜିଉନନିତ ହାଦାକା ଆକାୟ ।

୧୯ ହେୱାନ ପାର୍ଡୁମତ ମାଙ୍ଗ ଜିଉନତ୍ତିଲେ ଆସେଙ୍ଗ ଜିଉନନାସ୍ । ୨୦ ଇସ୍ବରତି ଜିଉନନାଙ୍ଗା ଇଞ୍ଜି ଇନେନ୍ ଜଦି ଜାର ଟଣ୍ଡେନିଂ

☆ ୪:୧୨ ୪:୧୨ ଜହନ ୧:୧୮.

ଗିଣ୍ କିନାନ୍, ତାଆଡିସ୍ ହେଝାନ୍ ମିର୍ଝା, ଲାଗିଂ ଇମ୍‌ଣି ଟଣ୍‌ଣେନିଂ ହୁଡ଼ଜିମାତିସ୍, ଜଦି ହେଝାନ୍‌ ଇନେର୍ ଜିଉନଝିତିସ୍, ତାଆଡିସ୍ ଇମ୍‌ଣି ଇସ୍‌ରତିଂ ହେଝାନ୍ ହୁଡ଼ଝାତାନ୍ନା, ହେଦାଂ ଜିଉନଦେଂ ଆଡୁନ୍ । ୨୧ ଇନେନ୍ ଇସ୍‌ରତିଂ ଜିଉନନାନ୍, ହେଝାନ୍ ଜାର ଟଣ୍‌ଣେନିଂ ପା ଜିଉନନାନ୍, ଇ ବଲ୍ ଆପେଂ ତା ତାକେଣ୍ଟାଙ୍ଗ୍ ପାୟାତାପ୍‌ନା ।



**ଜଗତ୍ ଜପି ଜିଣାନାକା**

୧ ଇନେରକି ଜିସ୍ତୁଂ କ୍ରିସ୍ଟ ଇଞ୍ଜି ପାତ୍ କିନାନ୍, ହେଝାନ୍ ଇସ୍‌ରତାଂ ଗାଗାଡ଼ଆସ୍‌ନା; ଆରେ, ଇନେନ୍‌କି ଗାଟାଆତି ଆବାଂ ଜିଉନନାନ୍, ହେଝାନ୍ ତା ତାଙ୍ଗ୍ ଉବ୍‌ଜାଣ୍ ଆଜି ମାନି ଲକୁରିଂ ପା ଜିଉନନାନ୍ । ୨ ଆସେଙ୍ଗ୍ ଏଚେକାଡ଼ଦ ଇସ୍‌ରତିଂ ଜିଉନନାସ୍ ଆରି ହେଝାନ୍ତି ବଲ୍ ମାନି କିନାସ୍, ହେ ଏଚେକାଡ଼ଦ ତାହୁଦାଂ ପୁନାସ୍ ଜେ, ଆସେଙ୍ଗ୍ ଇସ୍‌ରତି ହିମ୍‌ଣାକାଂ ଜିଉନନାସ୍ । ୩ ଇନେକିଦେଂକି ଇସ୍‌ରତି ଜିଉନନାକା ଅରଡ଼ ହେଝାନ୍ତି ବଲ୍ ମାନି କିନାକା, ହେଝାନ୍ତି ବଲ୍ ମାନି କିନାକା ବଜ୍ ଲାକେ ଆକାୟ୍ । ୪ ଇନେରକି ଇସ୍‌ରତାଂ ଉବ୍‌ଜାଣ୍ ହେଝାନ୍ ଜଗତ୍‌ତିଙ୍ଗ୍ ଜିଣାନାନ୍, ଆରେ ଇନାକା ଜଗତ୍‌ତିଙ୍ଗ୍ ଜିଣାତାଡ଼ନା, ହେଦାଂ ମାଦାଂ ପାତ୍ । ୫ ଜିସ୍ତୁ ଇସ୍‌ରତି ମାଜି, ଇଦାଂ ଇନେର୍ ପାତ୍ କିନାନ୍, ହେଝାନ୍‌ ପିସ୍‌ସି ଆରେ ଇନେନ୍ ଜଗତ୍‌ତିଙ୍ଗ୍ ଜିଣାନାନ୍ ?

**ଇସ୍‌ରତିଂ ମାଜିତି ବିସ୍ତେ ସାକି**

୬ ଜିସ୍ତୁ କ୍ରିସ୍ଟ ଇସ୍‌ରତିଂ ମାଜି ଇଞ୍ଜି ବାପ୍ତିସିମ୍ ହୁକେ ଆରି ଜାର୍‌ତି ନେତେର୍ ହପ୍ତି ମାନାୟ୍ ମୁକ୍‌ଡାନାକା ସାଦନ୍ କିନି କାଜିଂ ହପ୍ତି ମାତାନ୍ କେବଲ୍ ଏଜୁଂ ହୁକେ ଆକାୟ୍ ମତର୍ ରିଣ୍ଟି ଏଜୁଂ ନେତେର୍ ହିଜି ଝାଜି ମାତାନ୍ ଜିରୁନ୍ ପା ଇଦାଂ ସାକି ହିନାଡ଼ ଇନେକିଦେଂକି ଜିରୁନ୍ ନେ ସଡ଼ । ଆରେ ଜିରୁନ୍ ପା ହେବେନି ସାକି ହିନାନ୍, ଇନେକିଦେଂକି ଜିରୁନ୍ ନେ ହାଡ଼ପା । ୭ ଆରେ ଇ ତିନ୍‌ଜାଣ୍ଡି ସାକି ମାନାର୍; ୮ ଜିରୁନ୍, ଏଜୁଙ୍ଗ୍ ଆରି ନେତେର୍, ହେଝାର୍ ର ସାକି ହିନାରା, ଆରେ ତିନି ସାକି ରଞ୍ଜାଙ୍ଗ୍ । ୯ ଆସେଙ୍ଗ୍ ଜଦି ମାନାୟ୍‌ତିଂ ସାକି ଇଡ଼ନାସ୍, ବାଟିଙ୍ଗ୍ ଇସ୍‌ରତିଂ ସାକି ତା ତାଙ୍ଗ୍ ଗାଜା, ଆରେ

ଇସ୍ପରତି ସାକି ଇଦାଂ ଜେ, ହେୱାନ୍ ଜାର୍ ମାଜିତି ବିସ୍ତେ ସାକି ହିତାନ୍ନା । ୧୦ ଇନେନ୍ ଇସ୍ପରତି ମାଜିତି ତାକେ ପାତର୍ କିନାନ୍, ହେୱାନ୍ ଜାର୍ ୱାସ୍ମିତ ଇ ସାକି ଗାଟାତାନ୍ନା; ଇନେନ୍ ଇସ୍ପରତି ସାକି ପାତର୍ କିଉନ୍, ହେୱାନ୍ ହେୱାନିଂ ମିର୍ଝା କିତାନ୍ନା, ଇନେକିଦେଂକି ଇସ୍ପର ଜାର୍ ମାଜିତି ବିସ୍ତେ ଇମ୍ଣି ସାକି ହିତାନ୍ନା, ହେବେ ହେୱାନ୍ ପାତର୍ କିୱାତାନ୍ନା । ୧୧ ହେ ସାକି ଇଦାଂ ଜେ ଇସ୍ପର ମାଜେଙ୍ଗ୍ ଝିଜ୍ଝି ଜିବୁନ୍ ହିତ୍ତାନ୍ନା, ଆରେ ହେ ଜିବୁନ୍ ତା ମାଜିତି ତାକେ ମାନାଡ୍ । ୧୨ ଇନେର୍ ମାଜିଂ ପାୟାତାଣ୍ଣା ହେୱାନ୍ ଜିବୁନ୍ ପାୟାତାନ୍ନା; ଇନେନ୍ ଇସ୍ପର୍ ମାଜିଙ୍ଗ୍ ପାୟାଆୱାତାନ୍ନା, ହେୱାନ୍ ଜିବୁନ୍ପା ପାୟାୱାତାନ୍ନା ।

**ଝିଜ୍ଝି ଜିବୁନ୍**

୧୩ ଇସ୍ପର୍ ମାଜି ତରଦ ପାତର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେସ୍ ପୁନାଟ୍ ଜେ, ଏପେଙ୍ଗ୍ ଝିଜ୍ଝି ଜିବୁନ୍ ପାୟା ତାଦେଣ୍ଣା, ଇଦାଂ କାଜିଂ ଆନ୍ ମି ଲାଗେ ଇ ଝିଜ୍ଝି ଲେକିକିତାଂନା । ୧୪ ଆରେ ଆପେଂ ଏଚେକାଡ୍ଦ ହେୱାନ୍ତି ଇଚା ହୁଦାଂ ଇମ୍ଣାକା ପା ପାର୍ତାନା କିନାପ୍, ବାଟିଙ୍ଗ୍ ହେୱାନ୍ ମାଦାଂ ହେ ପାର୍ତାନା ୱେନାନ୍, ହେୱାନ୍ତି ମୁମ୍ଦ ମାଦାଂ ଇ ସାସ୍ ମାନାଡ୍ । ୧୫ ଆରେ ଆସେଙ୍ଗ୍ ହେୱାନ୍ତି ଲାଗେ ଇନାକା ପାର୍ତାନା କିନାସ୍, ହେଦାଂ ହେୱାନ୍ ୱେନାନ୍ ଇଞ୍ଜି ଜଦି ଆସେଙ୍ଗ୍ ପୁନାସ୍, ବାଟିଙ୍ଗ୍ ହେୱାନ୍ତି ମୁମ୍ଦ ଇନାକା ପାର୍ତାନା କିନାସା, ହେ ସବୁ ଜେ ଗାଟାତାସ୍ନା, ଇଦାଂ ପା ପୁନାସ୍ ।

୧୬ ଜଦି ମି ଟଣ୍ଡେନ୍ ପାପ୍ କିନାକା ହୁଡ୍ନାନ୍, ମାତର୍ ତା ହେ ପାପ୍ ହାୱାଦାଂ ମାନାଡ୍, ତା କାଜିଂ ଇସ୍ପରତିଂ ଗୱାରି କିୟାଟ୍, ଆତିସପା ଇସ୍ପର ହେୱାନିଂ କେମା ହିଜି ରାକ୍ୟା କିନାନ୍ । ଇମ୍ଣାକାରତି ପାପ୍ ହାନାକା ଆକାୟ୍, କେବଲ୍ ହେୱାର୍ କାଜିଂ ଆନ୍ ଇଦାଂ ଲେକିକିନାଙ୍ଗା । ଜିବୁନ୍ ଦାନ୍ କିତାର୍ ମାତର୍ କେତେକ୍ ପାପ୍ । ହାତି ପାପ୍ ମାନାଡ୍; ହେଦାଂ କାଜିଂ ହେୱାନ୍ ପାର୍ତାନା କିଏନ୍ ଇଞ୍ଜି ଆନ୍ ଇନୁଙ୍ଗା । ୧୭ ଝିଜ୍ଝି ଅଦାମ୍ ନେ ପାପ୍ ଆନାଡ୍, ମାତର୍ ସବୁ ପାପ୍ ହାତାକା ଆକାୟ୍ ।

୧୮ ଇନେର୍କି ଇସ୍ପରତାଂ ଗାଗାଡ୍ଆସ୍ତାକାନ୍ ହେୱାନ୍ ଜେ ପାପ୍ କିଉନ୍, ନଲେ ହେୱାନ୍ ଇସ୍ପରତାଂ ଜାର୍ମାଣ୍ ଆଜି ଜାତର୍ ଇଂ ରାକ୍ୟା

କିନାନ୍, ଆରେ ସୟତାନ୍ ଜିରୁନ୍ ହେୱାନିଂ ତୁଉଡ଼, ଇଦାଂ ଆସେଙ୍ଗ୍ ପୁନାସ୍ ।

<sup>୧୯</sup> ଆସେଙ୍ଗ୍ ଜେ ଇସ୍ପରତାଂ ଜାରମାଣ୍ ଆରି ଝିନ୍ଦୁ ଜଗଡ଼ ଜେ ସୟତାନ୍ ଜିରୁନ୍ ତଲ୍ୟା, ଇଦାଂ ଆସେଙ୍ଗ୍ ପୁନାସ୍ ।

<sup>୨୦</sup> ଆରେ ପା ଆସେଙ୍ଗ୍ ପୁନାସ୍ ଜେ, ଇସ୍ପରତି ମାଜି ଖାତାନ୍ନା ଆରି ହାଡ଼ପାତିଂ ପୁଞ୍ଜେଙ୍ଗ୍ କାଜିଂ ମାଙ୍ଗେଙ୍ଗ୍ ଗିୟାନ୍ ହିଡ଼ତାନ୍ନା; ଆରେ ଆସେଙ୍ଗ୍ ହେ ହାଡ଼ପା ତାକେ, ଇତିସ୍ ହେୱାନ୍ତି ମାଜି ଜିସୁ କ୍ରିଷ୍ଟି ତାକେ ମାନେନ୍ । ହେୱାନ୍ ହାଡ଼ପା ଇସ୍ପର ଆରି ଝିଜ୍ଝି ଜିରୁନ୍ ଆନାନ୍ ।

<sup>୨୧</sup> ଏ ହିମ୍ଣାଂ, ପୁଡ଼ଡ଼ାଂ ତାଙ୍ଗ୍ ଜାର୍ ଜାରତିଂ ରାକ୍ୟା କିୟାଟ୍ ।

**ସତ୍ ବଚନ**  
**The New Testament in the Pengo language of India:**  
**ସତ୍ ବଚନ**

copyright © 2020 The Word for the World International

Language: Pengu (Pengo)

Contributor: The Word for the World International

**ସତ୍ ବଚନ**  
**ପୁନି ନିର୍ମାଣ , 2020**

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43